

ANEXO VI

EXPEDIENTE

DECLARACIÓN XURADA DE CUMPRIMENTO DOS REQUISITOS PARA OBTENIR A CONDICIÓN DE BENEFICIARIO

D/Dª , con NIF

solicitante dunha axuda, en representación da entidade

con CIF para a contratación de traballadores ao abeiro da Orde do 19 de decembro de 2007, pola que se establecen as bases que regulan, para o exercicio do ano 2008, as axudas e subvencións para o fomento de emprego a través dos programas de cooperación no ámbito de colaboración coas entidades locais, cos órganos e organismos das administracións públicas distintas da local, universidades e entidades sen ánimo de lucro, e se procede á súa convocatoria, declara que cumpre os requisitos establecidos para obter a condición de beneficiarios, segundo o artigo 11 da Lei 9/2007, do 13 de xuño, de subvencións de Galicia.

Lugar e data

_____, de _____ de _____

Asdo.:

(Selo e sinatura da entidade solicitante)

Corrección de erros.-Resolución do 20 de agosto de 2008, da Dirección Xeral de Relacións Laborais, pola que se dispón o rexistro, o depósito e a publicación, no Diario Oficial de Galicia, do convenio colectivo da empresa Asociación Camiña Social.

Advertido erro na devandita resolución publicada no *Diario Oficial de Galicia* nº 188, do 29 de setembro de 2008, é necesario facer a seguinte corrección:

Na páxina 17.706, artigo 10.-Composición da comisión paritaria, onde di: «Esta comisión estará composta por 6 membros, 3 pola parte social e 3 pola parte da Asociación, todos eles cos seus respectivos suplentes; seguirase o criterio de que os membros da comisión paritaria por ambas as partes proveñan da comisión negociadora deste convenio. Están lexitimados para formar parte da comisión paritaria unicamente os integrantes das partes do presente convenio colectivo.

A comisión paritaria non terá en ningún caso competencia para a negociación colectiva, quedando esta facultade reservada exclusivamente ao Comité intercentros.»; debe dicir: «:Esta comisión estará composta por 4 membros, 2 pola parte social e 2 pola parte da Asociación, todos eles cos seus respectivos suplentes; seguirase o criterio de que os membros da comisión paritaria por ambas as partes proveñan da comisión negociadora deste convenio. Están lexiti-

mados para formar parte da comisión paritaria unicamente os integrantes das partes do presente convenio colectivo.

A comisión paritaria non terá en ningún caso competencia para a negociación colectiva, quedando esta facultade reservada exclusivamente ao Comité intercentros».

Na páxina 17.725, artigo 78.-Vacacións, onde di: «Todo o persoal terá dereito a 34 días naturais de vacacións ao ano. Por común acordo entre a Asociación e o traballador/a, poderase pactar a división do período de goce das vacacións.

A distribución dos períodos de vacacións farase por acordo entre a dirección do centro e a representación dos traballadores/as, téndose en conta a natureza específica dos centros e a correcta atención aos menores e/ou usuarios.

Os traballadores/as terán dereito a que polo menos quince días ou a parte proporcional segundo o caso se poidan gozar entre os meses de xullo e setembro, ambos inclusive.

O persoal que ingrese ou cese durante o ano terá dereito ao goce da súa parte proporcional das vacacións.

Se o período de permiso por maternidade coincide co período de vacacións, estas gozaranse inmediatamente despois da alta, sen data de caducidade.

No caso de que exista coincidencia de goce de vacacións con baixa por incapacidade temporal (IT) producida antes do comezo das vacacións, debida a enfermidade profesional, accidente de traballo e ingreso hospitalario, as vacacións gozaranse tras a alta.

Neste caso, o goce das vacacións será no ano natural en curso ata como máximo o 31 de xaneiro do seguinte ano.»; debe dicir: «Todo o persoal terá dereito a 34 días naturais de vacacións ao ano. Por común acordo entre a Asociación e o traballador/a, poderase pactar a división do período de goce das vacacións.

A distribución dos períodos de vacacións farase por acordo entre a dirección do centro e a representación dos traballadores/as, téndose en conta a natureza específica dos centros e a correcta atención aos menores e/ou usuarios.

Os traballadores/as terán dereito a que polo menos quince días ou a parte proporcional segundo o caso se poidan gozar entre os meses de xuño e setembro, ambos inclusive.

O persoal que ingrese ou cese durante o ano terá dereito ao goce da súa parte proporcional das vacacións.

Se o período de permiso por maternidade coincide co período de vacacións, estas gozaranse inmediatamente despois da alta, sen data de caducidade.

No caso de que exista coincidencia de goce de vacacións con baixa por incapacidade temporal (IT) producida antes do comezo das vacacións, debida a enfermidade profesional, accidente de traballo e ingreso hospitalario, as vacacións gozaranse tras a alta.

Neste caso, o goce das vacacións será no ano natural en curso ata como máximo o 31 de xaneiro do seguinte ano.».

CONSELLERÍA DE VIVENDA E SOLO

Orde do 24 de novembro de 2008 pola que se fai pública a ampliación do importe existente para a concesión de axudas para rehabilitación e renovación de calidade de vivendas no medio rural e conxuntos históricos, convocadas pola Orde do 27 de maio de 2008.

A Orde do 27 de maio de 2008 pola que se convocan subvencións a fondo perdido para a rehabilitación e renovación de calidade de vivendas no medio rural e conxuntos históricos para o exercicio 2008

(DOG nº 107, do 4 de xuño de 2008) expresa un importe máximo das subvencións no ámbito rural de 4.850.000 €, para o exercicio 2008 na aplicación 17.02.451A.780.0., e un importe máximo das subvencións a familias e institucións sen fin de lucro en conxuntos históricos de 2.050.000 € na aplicación 17.02.451A.780.2.

Unha vez revisados os expedientes presentados ao abeiro da citada orde de convocatoria comprobouse que o importe total solicitado para estas axudas, no exercicio 2008, supera amplamente o crédito inicial dispoñible para esta orde, e non se pode atender a demanda dunha gran parte das solicitudes presentadas.

Por outra banda, da Orde do 13 de febreiro de 2008 de importe máximo das axudas para o exercicio 2008 ao abeiro do Decreto 228/2002, do 20 de xuño, para rehabilitación protexida no medio rural resultou un remanente de 1.190.746 €. Da Orde do 13 de febreiro de 2008 de importe máximo das axudas para o exercicio 2008 ao abeiro do Decreto 295/2002, do 17 de outubro, para reconstrución protexida no medio rural resultou un remanente de 178.038 €. Da Orde do 19 de febreiro de 2008 de importe máximo das axudas para o exercicio 2008 ao abeiro do Decreto 234/2003, do 3 de abril, para rehabilitación de inmobles situados en conxuntos históricos galegos resultou un remanente de 152.123,09 €.

Os citados remanentes de crédito resultantes na aplicación 17.02.451A.780 pódense dedicar a suplementar o déficit da convocatoria citada.

Considerando o anterior cómpre ampliar o crédito inicial da Orde do 27 de maio de 2008, cos remanentes sobrantes das mencionadas ordes de importe máximo do 13 e do 19 de febreiro de 2008 coa finalidade de achegar ás axudas ao maior número de persoas beneficiarias posibles.

Por todo o exposto e no uso das facultades que me foron concedidas,

DISPOÑO:

Artigo único.

Primeiro.-Amplíase o importe da contía máxima, para a anualidade de 2008 das axudas que se van conceder ao abeiro da Orde do 27 de maio de 2008, polos seguintes importes e aplicacións: subvencións en ámbito rural, aplicación 17.02.451A.780.0 por un importe de 1.036.309 € e subvencións a familias e institucións sen fin de lucro en conxuntos históricos na aplicación 17.02451A.780.2, por un importe de 484.598,09 €.

Segundo.-Esta modificación non afecta o prazo establecido na referida orde para a presentación de solicitudes, resultando da existencia de remanentes doutras convocatorias con cargo aos mesmos créditos e programa, e non procede, polo tanto, a apertura dunha nova convocatoria.